

相山居士詞

王之道 彥猷

慶清朝 追和鄭毅夫及弟後作

曉日彤墀春風黃繖天顏咫尺清光恩袍初賜一時
玉質金相濟滿廷鵷鷺月卿暎日尹星郎鳴鞘遠
錦鞵歸路醉舞醒狂追隨寶津瓊苑看穿花帽側
拂柳鞭長臨流夾徑參差綠蔭紅芳宴罷西城向晚
敬呼笑語溢平康休相惱爭揭踈簾半出新妝

謁金門 追和馮延巳

春睡起金鴨暖銷沉水咲比梅花鸞鑑裏嗅香邊嚼

葳瓊戶倚來重倚又見夕陽西墜門外馬嘶郎且至
失驚心暗喜

蝶戀花 和張文伯魏國行春

春入花梢紅欲半水外綠楊掩映笙歌院霽日遠
風扇暖天光上下青浮岸 歸去畫樓烟暝晚步拾
梅英點綴宮妝面美目碧長眉翠淺銷魂正值回頭
看

又 和張文伯上巳雨

簷溜潺潺朝復暮燕子銜泥穿幙來還去素錦青氍
知有處花光草色迷汀渚 春不負人人自負君看

雨 流觴只恁良宵度厭浥小桃如泣訴東風欲漫飄紅

又

城上青旗催日暮柳絮沾泥花蕊隨流去記得前時
行樂處小橋水涿初平渚 玉子紋楸誰勝負不道
光陰暗向閑中度天若有情容我訴春來底事多陰
雨

又 和王冲之木犀

庭院雨餘秋意晚一陣風來到處清香遍把酒對花
情不淺花前敢避金杯滿 蒼筤茶蘼維慣見常恨

檢先不是君徒伴莫把龍涎輕聞遠流芳宜逐爐烟
斷

又和張文伯海

碧霧暗銷香篆半花影穿簾厭浥蒼苔院鷓鴣一雙
塘水暖浮沉時近垂楊岸 雨過不知春事晚但怪
朱唇得酒紅潮面野蔴山有三四淺携尊更向花前
看

又和魯如晦園棊

玉子紋楸頻較路勝負等閑休冶黃金注黑白班
烏間鷺明窓淨几誰知處 偏剝穀中人不語見可

知難步武來還去何日挂冠宮一畝相從識取棋中
趣

又魯如晦梅花二首

曾向水邊雲外見爭似霜凝照暎蒼苔院檀口半開
金裊線端相銷得綸巾岸 點綴南枝紅旋々準擬
杯盤日向花前宴飛雪飄々雲不卷何人覽鏡凭欄
看

又

杏靨桃腮俱有靨常避孤芳獨闢紅深淺犯雪凌霜
芳意展玉容侶帶春寒恁 分得數枝來小院依倚

三

知不足齋鈔本

銅瓶標致能清遠
淡月簾櫳踈影轉
騷人為尔柔腸斷

又追和東坡時留滯富池

寒雨霏々江上路
不見書郵病目空
凝注沙甯盡頭
飛白鶯鶯師獨侶
人來處
自笑自憐遠自語
鈍滯如君只合歸田去
竹
教問環明畝
個中自有無窮趣

宴山亭海棠

微雨斑々暈濕海棠
漸覺胭脂紅褪
造日短
墻嬌怯
和風搖曳一成春
困玉更
醲醲扶不起
晚妝慵整
愁

恨對佳時媚景
可堪重省
會約小桃新
燕有蜂媒
蝶使為傳芳信
西蜀杜郎東坡蘇老道也
道應難盡
一朵風流雅梅
且鳳翅雲鬢
相映眉拂黛
梅腮弄粉
風流子和且城魏宰

扁舟蘭浦岸
分携處
鳴珮珊珊
見十里長堤
數聲啼鴉
至今清淚
矜袖襴斑
誰信道
沈腰成瘦
減潘鬢
就衰殘
謾把酒臨風
看花對月
不言拄笏
無緒憑欄
相逢遠相感
但凝情
秋水送恨
春山應念
馬催行色
泥濺征衫
况芳菲
將過紅英
婉婉追隨
正樂黃鳥
聞闕爭得此心
無著
渾似雲閑

玉連環題戴安僧舍

流水細通何處柳溪新雨清風十里送藍舁行不盡
山無數一簇樓臺宰堵老僧常住懸知俗客不曾
來門外蒼苔如許

江城子和彥明兄

新篁初上籜龍陂綠陰稀綠陰稀牆外石榴花放兩
三枝裙褶絳紗遠半敲追往事惜佳期流鶯嬌婉
燕雙飛雨晴時雨晴時靈槁攢金梅子更紅肥濁酒
一杯從迳醉家縱遠夢中歸

又追和東坡雪

寒光凌亂六花纖巧穿簾不鳴簷十里黃壩遙望辨
青帘玉樹參差何處覓吟雪曲撻霜髯坐來令我看
無厭擬名鹽試嘗甜飛入深潭應照老蛟潛三白頻
占來歲稔良可喜更何嫌

水調歌趙師聖用生日

顛氣遍寰宇風露逼衣裘中秋昨夜明月千里滿西
樓人道當年今日海上騎鯨仙客乘興下瀛洲雅志
在扶耒來佐紫宸游廟堂上須早計要嘉謀牙床
錦帳三歲江北嘆淹留好在蟹螯如臂判取兵厨百
斛與客醉瑤舟待得蟠桃熟相約訪浮丘

又追和東坡

湖上有佳色黃菊傲霜秋一樽相屬談詠彼此得無
愁何處鱸魚初薦錯組金蠶點繪令我憶東州雙鷺
帶斜日飛下白蘋洲晚風勁吹殘酒襲破裘故人
俱在江左底事獨淹留歸去艸堂侵夜一點青芙蓉
火得句可忘憂欲識無窮意終日倚城樓

又和張文伯對月

斜陽明薄暮暗雨霽涼秋弱雲狼藉晚來風起席捲
更無留天外老蟾高挂皎々寒光照水金壘共沉浮
賓主一時傾動庾公樓渡銀漢溥玉露勢如流不

妨吟賞坐擁紅袖舞遠謳暗祝今宵素魄助我清才
逸氣穩步上瀛洲欲識瀛洲路雄據六鯨頭

又張文伯生日

瓊樹挂初日珠箔捲清霜夜來溪上微雨佳節過重
陽共慶當年此際曾見天麟協夢華閩刈蓬萊人作
魯侯祝俾尔壽而臧保疲瘵旌德善致吉祥會看
報政朝夕芝檢趣徵黃不藉靈丹九轉不用蟠桃三
竊源遠自流長願借滄溟富斟酌薦瑤觴

又用王冲之韻贈僧定淵

敗屋擁破初驚颺漫颺颺不離當處人見操篲上籃

游殫指九州四海浪說其來雲聚其去等風休莫作
袈裟吾道憎耽正齊死生同寵辱衣春秋高名厚
利眇若天地一蜉蝣閑攀前人公案試問把鋤空手
何侶步騎牛會得箇中語淨土在閻浮

又奉壽之生日

暑雨濕脩竹涼吹入高簷鷺洲鍾阜如畫霽色為穠
織檻外藕花無數妝點休祥嘉應不覺又秋矣謫仙
墮人世香霧鬱重簾富才藝強記覽三萬籤須信
公後有種道義自相漸此去腰金珮玉回視依蓮泛
水歲月亦何淹稱觴遠戲綵無惜醉厭厭

青玉案 對雪追和謝幼槃

金樽照坐紅裙繞恠一餉歌聲悄亂撲珠簾風絮曉
香薰咲語酒烘顏色莫逐流年老詩濤入筆懸河
倒萬里雲天為君掃檢點春容何處早柳條青眼梅
梢粉面得恁於人好

又送無為守張文伯還朝

逢人借問錢塘路我亦欲西湖去目送蘭橈知幾度
鰲峯浮玉鯨波飛雪正是朝來處海棠花下春將
暮緩唱新詞味佳句見說東君曾夢許柏臺冠豸金
臺視草便作雙岩雨

又有懷軒車山舊隱

半年不踏軒車路彷彿過長橋去帖水行雲風送度
兩行高柳一坡脩竹是我嘗游處黃鸝休嘆青春
暮出谷遷高舊家白天意從人遠訴疑寒和氣沉
陰霽色大旱滂沱雨

鳳蕭吟和彥時无重九

雨暝濛年今日農夫共卜新豐登高隨處好銀瓶
突兀南峙對三公真珠溥露菊更芙蓉照水勻紅但
華髮衰顏不堪頻鑑青銅相逢行藏休借問且徘徊
目送飛鴻十年湖海千里雲山幾番殘照淒風蟹

螯簾侶臂金英碎琥珀香濃請細讀離騷為君一飲
千鐘銀瓶三公皆山名

卜算子和興國守周少隱錢別嵩山堂

拄頰看西湖屢對綸巾岸江上相從醉萬山六見年
華換君唱我當酌我醉君休管明日醒時小艇東
莫負傳書鴈

又

堂下水浮天人指山為岸水落寒沙只見山暗被天
偷換堂上老詩翁客至勞相管風喘溪頭客自東
目送雲中鴈

又
今日富州濱後夜溢江岸千里西湖指頷間未怕新年換
再見復何時此意憑吟管應有新詩當尺書
目望南來鴈

醜奴兒對雪和序連弟

青腰侶詫天公富犇走風雲銀界無痕委巷窮山草木春
玉樓不怕敬茵濕笑語紛纒須放它門醉裡
冰姿光照人

桃源憶故人追和東坡韻呈贈侔子脩三首

逢人借問春歸處遙指蕪城烟樹
盡柳梢殘雨月

聞西南戶
游絲不解留伊住漫惹閑愁無數燕

子為誰來去似說江頭路

又

不知春色歸何處但見茂林芳樹庭巷落花如雨聞
亂穿窻戶
晚行溪上東風住荷點青錢無數蛺蝶
飛來遠去錯認花間路

又

南園最是花多處門掩綠楊千樹別後幾番風雨碧
蕪侵苔戶
儂家舊在郊西住門外遠山無數誰道
不如歸去咫尺長安路

又和張文伯送春二首

依：楊柳青。草夢斷畫橋春曉風裡落花如掃莫
厭尋芳早 醪醖芍藥看來好拾侶江湖老錦段荷
傳到愧乏瑤瑤報

又

望中風絮迷烟草愁結幾番昏曉花徑有時親掃載
酒應須早 人情曷似春山好山色不隨春老舊隱
何當重到迎得平安報

沁園春 和彥時兄

城郭蕭條風雨霏微醞造春愁况鷺群鷓鴣未諧薦
禰棘棲鸞鳳猶嘆棲仇世路如棋人情似紙厚薄高
低何日休逢殷浩會披雲對月同賦南樓 堪嗟日
月如流甚首夏謁來今半秋縱荻花楓葉強撩歸思
有萼羹菰飯歸更何憂三板松舟一篙溪水百里淮
山無暫留何須問遠、相、孰是莊周

惜奴嬌

不廝知名怎奈向前緣注定一封書便成媒娉千里
相從恰似尋盟合姓泥濘尚隔箇轎兒難近 薄、
紗厨小驛夜涼人靜紅一點暗通犀暈花月多情揉
碎半窻清影安穩悄不知人痛損

又

甚麼因緣恰得一年相聚和閏月更無剩數說著分
飛背面偷彈玉筍好去記取許時言語舊愛新人
後夜一時分付從前事不堪回顧怎奈冤家抵死牽
腸割肚愁苦夢斷五更風雨

南鄉子陳南仲生日

遺愛滿南州千騎曾為萬里遊琳館歸來無責更無
憂坐聽笙歌醉玉舟香霧鬱金虬春入梅花助獻
酬請祝避年長笑挹浮丘何止華君一百籌有人年道
公九十六壽故及三

又和潘授元賓

天際彩虹垂風起癡雲決一吹原隰的的春水更潏
潏布谷月從野鳥知初霽捲簾時巷陌泥融燕子
飛干醉醒來紅日款平西一椀新茶乳面肥

又和張元助通判賦雪

出戶綉簾垂拂面從他細細吹乘興有誰招訪戴難
為暖帳薰爐醉不知閑看逸風時欲著梅花又却
飛雅興佳人回舞袂相宜試比冰肌可煞肥

又用韻賦楊花

春霽柳花垂嬌軟輕狂不待吹圓款成毳遠復碎誰

為習：和風即舊知。深院日長時，亂撲珠簾入。生
飛試問荻芽生也未，偏宜出網河。鮪美更肥。

又追和東坡重九

風急斷虹收，孤鶩搖。下荻洲，醉帽儘從吹落去。颼
颼幸有黃花，插滿頭。君唱我當酬，千里湖山照眼
秋。不見故人思故國，休。一闋清歌，聽解愁。

又贈何秀道侍兒

翠袖慙沉香，黛拂脩蛾淡。妝銷得多情，鐘傳粉何
郎。風動珠簾，月半床。素手捧瑤觴，誰念蘇州已斷
腸。夜雨不隨歌扇散，浪。歸去無心賦海棠。

減字木蘭花 和魯如晦立春

綵幡金勝一笑酬，春聊適性。駐女癡兒，半挽梅花，半
柳枝。追歡何計，幸對綠樽環兒髻。欲舞還羞，美盼
嬌迴碧水秋。

又和張文伯對雪四首

詩成呵手欲寫已，輸君賦就寒粟生。膚一盞澆腸可
得無。迴風弄巧，比似婆婆尤敏妙，似箇人。嗅認
梅花孰是真。

又

尊前放手銅鉢，敲窮詩已就。姑射肌膚，舞罷纒頭，追

得無青腰更巧搓粉團酥來闌妙不敢方人容色
依稀似太真

又

玉奴招手來看前山瓊琢就透骨侵膚似恁清寒更
有無春工縱巧只許梅花稱獨妙花底逢人逐馬
銀杯誤認真

又

鬣頭龜手孤坐書生能意就煖體溫膚綉被春寒想
見無雪詞工巧高壓君房天下妙白髮欺人甚矣
吾意懶是真

又

脩眉山遠嬌抹烏雲秋水畔酒裏花前坐擁斯人怎
得寒醪浮滿須索空缸仍覆殘正恐相妨歸去
如聞咲語香

又

江梅清遠蕭洒一枝尊俎畔雪裡風前照水窺簷巧
耐寒多情美滿共飲自應渠醪殘醉賞何妨傾國
天教拈死香

又

咲中散遠走向曲房花樹畔擁在尊前頓覺春溫却

夜寒 願酬心滿只得教伊頻勸
淺緩唱何妨貼體
衫兒撲之香

又

仙姿凝遠半出新妝瓊戶畔
緩步來前正值東風料峭寒
釵頭花滿舞罷梅英飛入
淺一釭何妨花與佳人巧
闔香

又和孔純老

離筵暫住君在龍舒曾是主
今作行人卧轍何妨借寇恂
清歌妙舞斷送吟鞭乘醉去
一釭休辭捧爵佳人玉筋垂

又和孔純老送鄭深道移守嚴州

金樽頻倒照坐梅花清更好
春到長楊寵拜三公入鄭莊
月城兩載千里生靈蒙惠愛
舞徹歌詞並立新妝綠垂

又和重令叔五月五日會客

蛾眉螭首舞雪嬌迴開凍候
盡道今年千里風光華綺筵
坐來新月照我蒼顏并白髮
酒到休辭自有黃芽介壽祺

阮郎歸 和廣濟王宰二首

玉繩低轉斗闌干
欠温春酒寒夜長
風勁怯衣單
有

人哦二山 蟾歆滿鴈初還桃花微破顏枕痕猶帶
斷虹殘無言心自閑

又

長榜風尖弄腰肢日長蝴蝶飛雨餘新綠細通池玉
鈎懸妓衣 鴻鴈遠子規啼此情誰得知一尊聊與
故人持醉來悲別離

長相思

雨濛濛日曛洗出遠山三四重分明眉黛濃 野
橋西官路東小驛夜涼風入松夢魂誰與同

又

花一枝酒一卮舉酒對花君莫辭人生多別離 行
相思坐相思更有何人得似伊春融蝴蝶飛

又

天四垂山四圍山色天容入坐惟清風吹我衣 湖
水東江水西東去西來無盡期不如君共飲

又

吳江楓吳江風索索秋聲飛亂紅晚來歸興濃 淮
山西淮山東明月今宵何處同相尋魂夢中

又

風霏霏雨淒淒風雨夜寒人別離夢回遠自疑 至

木山房詩
般悲漏般遲一點青燈明更微照人雙泪垂

又

桃花春杏花春
蕊杏妖嬈如箇人
歌般如過雲
酒醺
燭焚
眼尾微紅
無限情相逢堪斷魂

滿庭芳
伯父仲球生日

紫角初繁青裳正好
充閨清露飄香
懸弧何早
烏轡上扶桑
試問椿齡幾許
踰萬計
終滿三章
佳辰樂林塘
增氣茁苕擁紅妝
稱觴人共慶
盤中白李來自華陽
壺中日月特地舒長
定見霜毛換綠
天薦社家慶
延昌情千鍾辭慳
思窈聊獻滿庭芳

又代人上高太尉時在太學

祭水西來于門南峙天波擁入華楹芝蘭爭秀難弟
遇難兄欲說隨龍雨露慶千載河海初清良辰好榴
花照眼綠柳隱啼鶯君恩隆橫賜冰龜大棗來自
蓬瀛正露橫玉筋泉瀉金鯨四座香和酒泛對妙舞
絃索鏗鉤椿難老年之今日論報祝長生

又和王常令雙蓮堂

翠蓋千重青錢萬疊雨餘綠漲銀塘藕花無數高下
闌芳芳渾似華清賜浴溫泉滑洗出真香何妨更合
歡連理高壓萬芝祥風流賢太守當年奏瑞盛事

名堂好是琉璃地上一片宮妝况有薰風解愠流霞
泛絲竹成行依蓮暇睽珠唱玉應不愧金相

又立春日呈劉春卿

天駒呈祥土牛頌政歡呼萬井春來雕輪丹轂雜運
展輕雷風動珠簾不捲香散霰半霽 腮東郊好波
瀾浸綠萌蘖上條枚 徘徊應共恠十年豹隱一旦
鸞臺問康時術業混俗情懷過雪湖山清麗笙歌沸
舞袖紫迴兵厨富酒腸似海莫惜醉金杯

又和同漕彥約送秦壽之

霽雪風溫霜消日暖一時笑語烘春山堂何幸四座

德星隣聊借紅妝侑爵蘭膏膩高髻盤雲清歌妙貫
珠餘韻猶振畫梁塵 熙朝卿相種扁舟東去入侍
嚴宸憶當年擢桂連見三秦休說參軍俊逸應難過
開府清新從今去八州都督端不因 津

又和元發弟秋日對酒

露溢金莖風翔玉宇嫩涼初霽秋容山有野蔴聊快
一尊同正值大田多稼臨卽隘酒客撞 追隨慶杯
盤狼籍 州蔭長松 新詞何所似金聲應鐸玉氣
騰虹時來終宦達休怨蒼穹願我蹉跎老矣飄素髮
衰態龍鐘心猶壯會看文度獨步大江東

又和王冲之西域郊行

麥野青深桃蹊紅暗浪遊何處芳園清明初過門巷
靄晴烟柳外池塘綠遍溪流細終日幾三東風軟誰
家兒女牆裡送秋千 花前從醉倒吾當盡量君盍
忘年縱盃盤卮三隨分開筵自有高談雄辯何須問
急管繁絃身長健少陵如在應賦飲中仙

又和富憲公權餞別

歌徹驪駒酒斟醺醉帆檣高暎城樓綉衣携具開宴
語離愁兩岸橙黃橘綠一行鴈幾點沙鷗情千種相
看無語送我上孤舟 悠悠冬白晚梅花潛暖隨處

香浮奈長亭飲散無計淹留歸路淮山百舍空夢想
連歲清遊煩雙鯉頻將尺素來往寄江流

醉蓬萊追和東坡重九呈彥時兄

對黃蘆卧雨蒼鴈橫秋江天重九千載淵明信風流
稱首吟逸東籬白衣何處誰復當年守藍水清遊龍
山勝集恍然依舊 莫寶輦紅菊團餘馥付與佳人
比妍爭艷一曲婆娑看舞腰縈柳舉世紛紛名利逐
罕遇笑來開口慰我寂寥酬君醅酌不容無酒

又代人上高御帶時在太學

正薰風解愠萱草忘憂黃梅新霽縹緲歌臺半金衣

公子丹桂香中碧梧枝上兩飛蓬止似說當年而今時候長庚誕貴恩厚隨龍宮崇御帶二十橫金玉塔寸地須信驛駒一日能千里况遇王良伯樂美九萬何勞睥睨磊落金盤華陽白李休辭沉醉

浣溪紗 和陳德公荼蘼

一樣檀心半掩舒淡黃衫子襯冰膚細看全似那人
妹枕裡芳蕤薰綉被酒中餘馥溢金壺不頻嗅惹
羅裾

又和張文伯木犀

曉日暉、玉露光枝頭一樣闌宮粧可憐嬌額半塗

黃衣與荼蘼新借色肌同薝蔔更薰香風流荀令雅
相當

又和張文伯海棠

過雨紅花雜咲啼淡妝深注半開時嬌婉情態自天
姿新浴太真增豔麗微風新燕闌清奇綠窻朱戶
雅相宜

又賦春雪追和東坡韻四首

陽氣初升土脈蘇東郊人散故迴車一時春雪十分
無魚枕蕉深浮酒蟻鹿胎冠子翠敬珠題詩不覺
燭拋鬚

又

體粟須煩鼎力蘇
流涎正值麪盈車
坐來獸炭撥還
無一閤可能酬
一絕雙銀端不換
雙珠松毛粉白
老翁鬚

又

春到衡門病滯蘇
力強猶可駕柴車
少年狂望一時
無清坐不堪飢起
粟高談遠喜唾成珠
紅裙癡笑
雪如鬚

又

凍臥表安已復蘇
閉門那患出無車
似渠人物到今

無可笑崑山誇片玉
須憐滄海歎遺珠
時來應許
將君鬚

又阻風銅陵追和東坡游泗州南山韻

殘雪籠晴乍返寒
北風吹浪過前灘
遠山雲氣尚漫
漫睡起陽烏窺破牖
坐憐香霧藹雕盤
一樽聊佐
族中歡

又代人作

玉骨冰肌軟更香
一枝丹棘暎青裳
相逢歸去未須
忙曲裡春山情不淺
樽前秋水意何長
酒釀顏色
粉生光

又和張文伯長至

寒透珠簾怯曉霜
仄飛緹室驗回陽
生看紅日上脩廊
泉瀉龍顏深泛酒
相凝象口暖吹香
及時歌舞意何長

又春日

水外山光淡欲無
堤邊艸色翠如鋪
綠楊風軟鳥相呼
千萼葉齊羅翠扇
廉黎花小隘真珠
一轂何處叫提壺

東風第一枝

梅

玉骨冰肌絳趺檀口
玲瓏亞竹當戶
嫣然照雪精神

銷得東君眷與群
芳退舍願凡下
非伊朋侶却自有
落葡荼蘼次第效
顰進步寓心賞
須還吟醉赴目
成便依歌舞情
鍾束素無華意在
含不語紛之桃李
亦何用輕猜輕妒
一枝欲寄相思伴
取箇人書去

西江月和張文伯謝曹子脩送酒

黃花正懷彭澤白
衣俄致江州登高
餘醉快扶頭此
况又魚情厚痛飲
須還酒對清吟况
值詩流輕投無惜
萬金酬木李舊先
瓊玖

又和張文伯臘日席上

北陸藏冰斂意東
風解凍非遙一時
芳艸巧相撩入

眼綠交紅小 柳色輕搖弱
綫梅英紛綴枯梢
觥籌醉裡賴君饒
去斜陽尚早

又和董令叔燕宴分茶

磨急鋸霏瓊屑
湯鳴車轉羊腸
一杯聊解水仙漿
七日醒頭爽
指點紅裙勸坐
招呼岩桂分香
看花不覺酒浮觴
醉倒宜辭鼠量

又

雪後千林尚凍城
邊一徑微通柳梢
搖曳轉東風來
看梅花應夢
酒面初潮
蟻綠歌唇半啟
櫻紅冰肌綽約
月朦朧彷彿
暗香浮動

又

春入荒 別浦春潮灩
長堤綠楊風喘
客帆遮腸
斷江南雙鯉
短夢當年
楚雨扁舟
後夜秦溪
一棹啼鳥怨春歸人
醺醺花衣

又

一霎輕雲過雨
半篙新綠
黃舟梅花池館
暗香浮酒入朱唇
紅透有恨尤憐
別恨多愁不慣
春愁舞餘何惜更遲
留腸斷腸
更後

又

一別清風北牖
幾番明月西樓
斷腸千里
致書郵借

問近來安否 歸路淮山過雨歸舟江水登秋佳人
應已數城頭準擬到家時候

歸朝歡 對雪追和東坡

透隙敲窗風撼之 坐見廣連飛縞白長安道上正騎
驢蔡州城裡誰堅壁表之 風塵物瑤林瓊宇三豪客
對分毫連珠唱玉競把詩箋擲 草之 杯盤還促席
痛飲狂歌語胸臆前村昨夜訪梅花東隣休更誇容
色清歡那易得明朝烏轡陞南極帶隨車黃鑪咫尺
莫作山河隔

宴春臺 追和張子野韻贈陳德甫侍兒

翠竹扶疎丹葵隱映綠窓朱戶紫迴簾捲鰕鬚清風
時自南來題與好客筵開儼新妝深出雲街歌珠累
貫一時傾坐全勝腰雷 金猊裊碧玉兒浮紅金傳
三杏情寄奴雙梅樓頭滿促籠紗暗落花媒錦里遺
音憶當年曾賦春臺醉蓬萊歸歟無寐想餘韻徘徊

朝中措 和文伯元夕

江城春霽雪初融樓觀瑞烟中向晚金蓮無數一時
開遍東風 多情太守行携紅袖 引金鐘時出陽
春絕唱才名不減詩翁

又和張文伯寒食日雨

從來寒食半陰晴
花底聽歌榭
昨夜滿城風雨惜花
還繫心情
海棠枝上朱唇翠袖
歌闌輕盃須藉媽
然一咲醉吟同過清明

又和張文伯清明日開零

朝陽淡
宿雲輕
風入管絃
數十里碧蕪
坐步一枝
丹杏柔情
佳人何處
酒紅沁眼
秋水盈
詩曲羨
君三絕
湖山增我雙明

又和文伯芍藥

老窮無賴事成叢
短髮自髻鬆
坐想帝城當日萬花
綉出天宮
幾時臨賦
深浮綠蟻
緩唱黃鍾
莫獲追

陪勝賞虛煩惱亂衰翁

又和張文伯海棠

暖風連日透香肌
春到柳邊枝
曾見酒紅潮
頰玉人
初出羅幃
東坡何處
朱唇翠袖
空想芳姿
爭似濡
須太守看花仍賦佳詞

又董令升待制生日

天庭丹爇在何時
鉛汞適投機
四海方思霖
雨未容
駕鶴高飛
當年今日謫仙
初降庭
露翻
願對良
辰好景
梅觴為醉
芳菲

又魏倅定甫生日

州閣庠序少隨追俛仰髻成絲仕宦孰踰君達恩施
遍及庭芝 溪頭春日催穀和氣如見生時好對高
堂壽母獻酬同醉金卮

又王守正仲生日

滿庭岩桂藹香風人在畫堂中款驗魯侯難老歡穀
千里悠同 臺分金石源鍾淮水流慶無窮好繼漢
朝循吏從茲入拜三公

又和孔律郎竺新栽竹

君心節直更心虛移植並庭除好在紅蕖相映捲簾
如見吳姝 清風明月君無我棄我不君疎况有騷

人墨客時來同醉兵廚

又

晴烟漠漠日暉天際遠山低檻外碧蕪千里坐來
目送鷗飛 詩箋談麈珠盤落玉屑霏更把登
臨餘興翻成白雪歌詞

玉樓春和令升正月五日會客

年來六十增三歲却憶去年趨盛會風流人物勝斜
川灼灼有同前日事 不知絃管催新水但見飄飄
縈舞袂主人情厚酒行頻酌酹莫辭今夕醉

又和李宜仲

少年心性銷磨盡三斗爛腸渾是悶者聊復強尋行
屬句不妨閑起韻 此生自斷天休問富貴時來還
有分一卮芳酒送清歌樓下玉人相去近

石州慢 和董全升歲除

碟攘送寒燔烈興歲又頌堯曆青靄燒痕綠浮風皺
暖回春色地天交泰時當頌否五鬼休相厄何妨咲
倚東風一飲杯三百 長憶符堅入寇功高晉室無
如安石義概雄心輒莫等閑拋擲蓋壤毅名鼎彞勲
業朋雖雖好未放終閑逸喈喈黃鳥更看壺中春日

鵲橋仙

霜風擢霽雲濤漲晚更覺我心弥壯一尊誰與醉西
風輒莫負高吟勝賞 致君才術康時事業到庑不
容閑放十年湖海閱想歌何幸出陽春絕唱

又

斷虹霽雨餘霞送日簾捲西樓月上銀河風靜夜無
波天亦為雲軒相訪 蛛絲有限鵲橋何處回首又
成惆悵江滾滾向東流寫不盡別離情狀

又 菩薩蠻 和趙見獨

香鬟妥墮蘭膏膩睡起搔頭紅玉墜秋水不勝情盈
盃橫沁人 朱欄頻徙倚笑與花爭媚眉黛索重添

春醒意未收

又

綠楊低暎深，院春風不動珠簾捲。乳燕引雛飛流
蘇盡日垂。綺窓開小宴。姪姪鶯聲。一餉不聞。敲
羅衣香汗輕。

又

小庭過雨莓苔滑。碧波灑。池光闊。睡起
言神思閑。晚來調瑟罷。笑語秋千下。高枕綠楊風
隔簾花暎紅。

又

晴窓睡起爐烟直。香雲墮。髻嬌無力。溪水碧。涵空拒
霜深淺紅。墜鞭遠。駐馬縹緲。珠簾下。自是意中人
臨風休障塵。

千秋日 伯母刘氏生日

清風散霧簾幙清。無暑萱草徑。荷花塢。幽香浮几席。
秀色侵庭廡。微雨過。綠楊珠成縷。雙燕飛。還語似
慶良辰。過驪美酒烹肥豕。何妨飲且醉。共作斑衣舞
人競報蟠龜已寔。君知否。

又 癸亥重九舟次是江

斜風橫雨咫尺高城路。紅蓼岸蒼葭浦。滯留春色晚

栖泊郵亭暮信香，鵲聲近有無憑據。腸斷家何處，又見重陽度多少。恨從新，訴黃雞斟白酒，自促供。搜句歸去，好人生莫被浮名誤。

又房傳教授元生日

金風玉宇，庭院新經雨。香有露，清無暑。溪光搖几席，嵐翠橫樽俎。烘咲語，佳時聊復鄉人聚。門外落花浦。秋到花無數。紅繪鯉，青浮醕。何妨文字飲，更得江山助。從此去，滿輪入佐中興主。

又張文伯生日

曉霜初肅，秋色團芳菊。榴轉紫，柑猶綠。昨朝吹帽會，未快登臨目。須信道，兵厨準擬三千斛。采：香盈掬。汎：紛浮玉。紅袖捧清歌，逸何妨。傾坐客，共獻長生祝。歸去好，北門夜引金蓮燭。

又進和秦少游

山前湖外，初日浮雲退。荷氣馥槐陰，碎葵花紅障錦。萱州青垂帶，誰得似黃鸝。求友新成對。憶昔東門會，千古同傾蓋。人已遠，歌如在。鈎銀雖可漫，琬琰終難改。浩蕩臨風，令我思淮海。

又鄭帥清卿生日

熙：臺上秋色增清壯，和氣溢祥烟。颺淮山，供雜俎。

湖水浮新釀人共仰
髭髯坐擁詩書將
蕭鼓聲嘹亮珠翠環相向
迴妙舞遲妍唱競斟長命
筭同試滄溟量鋒車往東歸
遂 華原相

勝之慢 冬至日用劉春卿韻送彥達弟赴官西興

魯雲書瑞周日迎長曉
占綈室飛灰玉勒朝天千門
禁鑰齊開簾捲扇分雉尾香風遠
人到蓬萊霞觴滿年獻祝宮殿
昭回 况有金甌名姓一任名園蕭散
元自徘徊門外鋒車又連鳳沼
相催酒到莫辭頻舉聽清歌一闋
傾杯功成日渺五湖烟月堪賦歸來

又和劉春卿有懷金谿

凌雲氣節貫日精忠艱難未許心
灰芳酒一尊對君聊為君開要識
治安非晚樂得賢新 蒿萊愁似雪
喜青天萬里曉霽春回 須信赤繩
繫足未衣點額終在休歎淹留
徊梅實槐花看 便是相催座上
觥籌交錯玉山峙莫遣停杯濡
頰好儻他時富貴猶冀重來

又和張文伯木犀

菊園封綠蓮萼凋紅蕭然獨見
芳姿短牆高榭踈筠恠石偏宜
香遍秋風到處微雨過清露寒
時花陰下稱賤毫唱和杖屨追
隨 曷似江頭竹外凌霜犯雪

歲晚爭奇夕賞朝吟勸秋莫放離披細看石楠玉
茗葉縱似風韻輸伊最好處擁新妝臨鑑碧 谿

宴茆源和文伯雪

飛雪舞稀遠驟高閣下臨群岫獨立遂移時歸去黃
昏前後知否知否落筆騷人賦就

又

風急柳花飛驟白盡千林萬岫樵檐晚來歸正在栖
鴉啼後知否知否語到謝娘詩就

又烏江路中二首

黃葉敲邊風歇龕火夜寒明滅殘月却多情乘照光

生歸轍清絕透隙飛霜似雪

又海棠

遙指湯泉西路隱約碧雲天暮宿鳥擇深枝兩相
呼如語凝竚凝竚今夜夢魂何處

又海棠

水夜漫山菟李那得箇中風味一種最憐渠酒著佳
人半醉遠似還似驚起午窓春睡

折丹桂送蓮著蓮三子庶辰年省試

照人何處雙瞳碧玉去江城北過江風順莫遲留快
鴈序飛睽翼 西湖花柳傳消息知是東君客 書

須辨寫泥金報科名題淡墨

又送彥開弟省試

風漪欲縞春江碧予寄江城北子今東去赴春官挽
不住搏風翼脩程過天池息何處堪留客預知
仙籍桂香浮語祝史休占墨

又送趙彥翔省試

雪晴山色分遙碧輝映江南北子今東去步蟾宮着
少展垂天翼晚來江上西風息算不是新豐客明
年三月見君時慶章綬紆銅墨

八聲甘州和張漕進彥

歎關河在眼孰雌雄興廢古猶今問中原何處黃塵
千里遠水平林間說謳謠思漢人有望霓心想垂髫
戴白泣涕盈襟流水高山還會意不煩揮按如見
虞琴遠遶周道四牡驟駸、盡諏謀詢度歸來聊緩
轡歲晚雪霜深西湖好光風遶日同悞吟

漁家傲和余子美對雪

風揭珠簾寒乍透青蛾不住添香獸火暖畫簷鳴綫
溜人醉後錦堂絲竹烘殘晝勢合湖山增地厚孤
高但覺脩篁瘦回策如縈金在手驕馬驟吾家金埒
新編就

又和孔純老三首

岩電晶瑩君未老看門外鋒車到一點眉間黃色
好人盡道從今次第登三少左右青蛾來巧咲注
唇塗額新妝了斜挿梅花仍闌妙歌窈窕醉來容我
相嘲傲

又

歲月漂流人易老東郊又報春來到梅靨柳眉還闌
好君信道衰顏得酒重年少對酒邀賓同燕咲莫
教虛過芳菲了咳唾珠璣誇筆妙人窈窕新聲傾坐
漁家傲

又

燈火熙熙來稚老喜逢燈夕都齊到花市綺樓隨處
好人競道今年天氣常年少五馬行遊還坐咲公
堂綉簾東風了簫鼓喧闐歌舞妙窈窕也應引動南
窓傲

又和董舍人令升三首

繫國安危還故老鶴書赴隴行當到多謝不遺敦雅
好應信道年高德邵如公少尊酒論文聊一咲肯
將苦語誇危了落筆君房天下妙環窈窕清歌一曲
漁家傲

又

海岱惟青遺一老禁垣清切親曾到獨直固勞非所
好誰信道才如權相從來少把酒自歌還自咲醉
中萬事都齊了絕唱清歌仍敏妙敲窈窕行雲初過
漁家傲禁垣清切并權德輿事

又

爵齒俱尊惟此老詩詞筆力誰能到奇字古文仍篤
好須信道如公宦復憂才少剩費黃金應買咲窮
通得喪忘了坐對瑤觴看舞妙携窈窕南窓聊得
淵明傲

又太后慶八十詔書到再和孔純老

老：恩波今及老詔書前日新頌到視膳慈寧先嗜
好隆孝道慕踰五十前王少想見天顏溫色咲東
朝上壽稱觴了易俗功深神且妙來窈窕德齊任奴
銷驕傲

浪淘沙和魯如晦

高髻墮香鬟遺恨眉山老年花似夢中看厭澆一枝
溽曉露珠泪闌干卮酒發醜顏更留殘滿城風
雨麥秋寒餘馥尚能消酒惡誰敢包彈

憶東坡追和黃魯直

雪霽柳舒容日薄梅搖影新歲換符來天上初見頌
堯梗試問我酬君唱何如博塞歡娛百萬呼盧勝投
珠報玉須放騷人遣春興 詩成談笑寫出無窮景
不妨時作顛小馳騁張芝聖誰念杜陵野老心同流
水必東與物初無競公侯應有種我傾否由天命

又

虛堂響應敲皎月形和影春到也須遠長紅到紫帝
條梗况有光風霽日能消積雪繁霜青女休言勝扶
遙借便請看天地發鵬興 人言強漢治道誇文景
誰能免舜其君遠繼阿衡聖富貴吾所自有宰相時

來則為自不煩趨競欲尋文會詩盟得酒且相命

六州歌頭 和張安國舍人韵呈進房

燧域勲業何敢望西平觀當日清大慙震天聲績其
凝復彊字洗羶羶堪嘆中原久矣長淮隔胡騎縱橫
問何時風驅電掃重見文明賓鴈霄鳴夢初驚 念
吾君復古脩攘兩盡早晚功成歲云暮水腹壯雪花
零悵神京誰信漢家陵闕呵護有神兵罄寰海重回
首鎮閔情想見皇華咨度望淮北心曲搖旌願變夷
用夏荆狄是懲膺補弊支傾

好事近 何希淵生日

春色到梅梢人在東風清唳曾見少微初降藹龍泉
佳氣功名富貴屬多才如子亡無幾造物恰同予
意放驂駒千里

又程繼誠生日

霞影入瑤觴酒與餘霞同色人共昌朝方永過瓶籌
三百一枝紅皺石榴裙簾捲篆烟碧約我他年湖
上肴九華終日

又彥達弟生日

秋色到東籬金散菊團香馥預借觴浮高會為作長
年祝蟹螯如臂酒如澆澆棖橘半橫綠唱我新詞一

酌聽尊前絲竹

又王照美生日

花影倒醱醱風過玉卮搖碧坐上酒豪詩敵盡騎鯨
仙客主人名姓在金甌歸去定前席要見碧桃千
歲看壺中春日

又

春色到醱醱人在醱醱花底花撲尊罍香透遠勝燒
沉水一杯聊復對東風為祝千二歲作楫和羹事
了歸去騎箕尾

木蘭花 追和晁次庸

對春色淡沲晴烟冉々日遲々漸紅入桃溪青迴柳
陌鶯刷金衣差池競求友去惱佳人幽恨上蛾眉應
念年時追逐粧餘為帶交枝 芳菲誰共賞嬉遊何
處馬如飛不道新來牽腸惹肚暗減腰肢須知乍寒
乍暖朱唇又過海棠時已約姚黃魏紫留花等待伊歸
感皇恩 彥達弟生日
宿霧霽晨霜江山明秀照眼黃花亂晴晝當年今日
正是懸弧時候一杯聊獻祝同親舊 莫問窮通休
論貧富且起良辰醉醇酎揚珠搥玉况值西成多收
飽食歌至治天垂祐

石州慢 和趙見獨書事見獨善鼓琴

天迴樓高日長院靜琴聲幽咽昵々恩情切々言語
似傷離別子期何處漫高山流水又逐新聲徹彷彿
江山移舟聽琵琶淒切 休說春寒料峭夜來花柳
弄風搖雪大錯因誰算不翅六州鐵波下雙魚雲中
乘鴈嗣音無計空歎初謀拙但願相逢同心再綰重結
一剪梅 和董全升贈魏定甫侍光

風揭珠簾夜氣清香撲金壘初見雲英藍橋何處舊
知名今夕相逢此恨銷停 勸君嫣然一笑傾莫辭
沉醉為覆金觥闕

漢宮春雪

勸動江城快風聲震地雲勢頽山半年不雨玉霰來
漑冬 乾飄：弱絮雜簷花飛上賓筵疎林表數行
征鴈翔欵下清灣 何處梅梢點白弄橫斜疎影竹
外溪邊天寒日暮含香脉、無言朱唇玉韻映碧梧
峙鵲停鳶最好是携壺挈榼相期同醉霜天

點絳脣 和魯如晦荼蘼二首

一撮檀心春來還對東君吐莫隨春去我欲花間住
燕子銜泥似向吾人訴煩相語九齡風度流落今
何處

又
珠憶霜凝晚來芬馥清香吐流鶯飛去應上花梢住
一曲陽春聊對東風訴無多語韶光暗度恨到分
携處

又和張文伯

宿雨朝寒芳時又過荼蘼了舞環歌繞應恨金杯小
零亂霜凝點綴青々草花間道曾遭花惱把酒呼
晴昊

又和朱希真

短棹西來追隨不及菖花宴薰風庭院明月裁紈扇

睡起嬌慵想見雲鬟亂
雙魚遠欲憑春喚一覘
章娘面

又和張文伯除夜雪

透幕穿簾迴風舞態能輕妙
不須相惱江上春來了
一闋清歌唱徹瓊樓曉
春上巧柳顰梅咲點綴芳菲早

又和張文伯

竹外梅花檀心玉頰春初透
一池風皺妙語天生就有箇人
嫋娜靈和柳君知否
目成心授何日同携手

又社日雨

春意催花片雲又作朝來雨
淡勻深注紅紫絳魚社日人家
準擬行春去癡兒女倚門凝佇
借問東郊路

又冬日江上

古屋哀楊淡烟疎雨江南岸
幾家村疇酒旆還相喚短棹扁舟
風橫河頻轉柔腸斷寒鴉噪晚天
共蕭蕭葭遠

虞美人和孔純老齋蓮花

酪漿冷浸金盃粉三友浮新醞
如君真似酒中仙一

斗百篇吟到小池蓮 清風拂之來紈素獨擅江南
步紅裙無用妬芳姿且綠羅爭學畫長眉

又和孔純老送深道守嚴州

鄭侯美政推仁厚何獨高淮右分携令我預頰眉只
恐桐廬民望恠來遲 一樽聊罄金蕉葉更語半時
霎青蛾羅列競銷凝閤定眼邊珠泪做紅冰

小重山 唐德秀生日

花艷嫣然照坐紅池光高下見芙蓉相逢款款莫匆
匆新釀熟浮甕碧香濃 倚檻送飛鴻登高時節近
菊披風笑談今喜一杯同揉金盞和雪入杯中

又序逢弟生日

要識長生輩赤松朱顏和綠髮正丰茸當年今日墮
仙宮佳氣鬱香靄菊花風 一醉判千鍾小槽新釀
美玉泉濃酒斟詩思浩無窮雲烟爛題破錦牋紅

秦樓月 和張文伯雪

雪不捲澆愁莫放金杯淺金杯淺新詞麗句要人裁
剪 酒酣思致天同遠臨風提筆綸巾岸綸巾岸詩
成歸去寒光照晚

滿江紅 和張守仲友送孔純老守歷陽

竹馬來迎留不住寸心如結歷湖須塢相望近同吳

越闕里風流今未減此行報政看暮月已驗康訖富
國千古曾無別多謝潤沾枯轍令我神思清發新
命歡浹兩邦情愜明日西風帆捲席高檣到處旌麾
列忽相思吾當往誰謂三壑隔

望海潮 重九和彥時兄

寶山烟霽金湖波渺珠簾高捲清霜楓葉露痕荻花
風色人言今日重陽芳菊裊秋香更榴房闌紫柑寔
傳黃觀閣凌空杯盤照坐獨醒狂良辰樂事難忘
正少年游冶人在任荏銅鈔探題金釵當酒一時綠
鬢紅妝故國黯淒涼漫情隨流水遠興與 雲長要

是致君堯舜千古繼垂裳

如夢令 和張文伯芍藥

綽約一枝紅恐踈雨淡烟池館梅子黃時日倚朱
欄幾遍爭看人在沉香亭畔

又 江上對雨

一餉凝情無語手撚梅花何處倚竹不勝愁暗想江
頭歸路東去東去短艇淡烟踈雨

臨江仙 和陳德公

紅樓縹緲光風裡熙熙和氣歡散過雲餘韻最關情
春山閑淡秋水醉盈盈老去自怜心尚在相逢

殊慙勞生紋楸聊復戲同枰試煩歌一曲須借酒三
行

又

鼓棹正逢江雪霽是行應快吳吟透雲寒日半晴陰
烟嵐凝翠重霜樹澱紅深 案上文書閑展讀聖賢
蹤跡重尋不堪華髮故駁之 三旌還有分萬事付無
心

又和劉南伯

恠得舉頭聞鵲喜果然都騎相過柳陰乘月倒金荷
踈星 耿：銀漢靜無波 縵角追隨今老矣相逢

無惜婆婆夜闌餘興到狂歌長鯨正渴應不厭傾河

南歌子 戊午重九

朱寔盈：露黃花細：風龍山勝集古今同斷送一
年秋色酒杯中 鳴脚供柔白鷄頭薦嫩紅量吞雲
夢正能容試問具區何處浙江東

又和陳勉仲

老懶詩才退春融醉眼昏青山終日對柴門柳外斷
橋流水幾家村桃李添新意池塘失舊痕一尊聊復
為君傾倒年來酌唱細論文

又趙叔全生日

扇裡薰風細壺中化日長榴花高下照紅妝花外飛
雲馥郁水沉香 新竹輕儲粉流鶯巧弄黃不知何
處是華陽應有十年白李薦霞觴

又安豐守章彥輔生日

玉露澄天宇金風淨月華滿庭秋色木犀花記得謫
仙初下五雲車 才業追前輩人門屬當家壽觴無
惜醉流霞聞說姓名潛護有籠紗

又端午二首

角簾橫處枕蘭房挂艾人一尊菖歎泛清醇好在佳
人如玉映長春 冰徹杯盤瑩香和咲語薰蓮花衫

子入時新挂起南窓一榻晚風清

又

玉笋浮菖虎金盤鎖綫魚研丹聊作厭兵符何必城
頭一女當千夫 雨過山如洗風來草似梳佳人不
慣手談輸却道如今重賭選官圖

又

露竹舒新綠風荷遞暗香誰家池館睡鴛鴦遠有玉
人相對坐傳觴 角簾清水滑紗厨薄霧涼晚來行
雨過巫陽強整羅衣臨鏡學宮妝

念奴嬌 和曾如晦中秋

碧天無際乍雨清烟藹風開雲月人在南樓刷談勝
詠擁碧油旌節銀闕騰輝冰輪駕彩顛氣資高潔大
星不見更容螢大明滅 須煩翠杓瓊杯華戩象管
與我酬清絕誰使琵琶聲到耳輕賦荻花楓葉露脚
斜飛河陰低轉香篆環三傑莫辭終日舞腰重者迴
雪

又

黃花照眼對西風庭檻為渠凝佇準擬登高訓一醉
底事晚來微雨蟋蟀聲中芭蕉葉上怎得爭如許龍
山何處無言暗想烟樹 須知天意隨人重陽晴未
步
晚不須頻訴幸有兵厨三萬斛足助賞心歡趣千里
江山兩行珠翠端為騷人付層樓飛觀應容老子追

相山居士詞終



國家圖書館, NATIONAL CENTRAL LIBRARY, TAIWAN, R.O.C.

中山局